

求闕齊弟子記

求闕齋弟子記卷十

東湖王定安撰

平寇七

同治三年十月初七日公弟國荃率凱撤之勇回湘 時捻髮
各匪麇集湖北擾及皖邊公遣蔣凝學劉連捷分道堵禦凝學
扼賊於英山賊重圍襄我軍凝學晝夜鏖戰歷四十餘日賊敗
退入蘄水羅田依山據險綿亘幾二百里石清吉陣亡僧親王
由商城進駐黃岡之上巴河而新疆回氛猖獗各城相繼失守
朝議欲調楚軍赴援

上諭新疆自庫車喀喇沙爾葉爾羌烏魯木齊漢城被陷後回

氛四起勢極蔓延頃據保恒奏烏魯木齊滿城亦已失陷井聞
巴里坤哈密一帶均有回匪擾亂是新疆情形極爲喫緊邊疆
重地亟應及早廓清惟該處向來用兵必須內地籌調大枝勁
旅寬撥餉需方能布置裕如現在甘肅軍務尙未就緒道路尙
未通暢而湖北賊氛未靖礙難騰出兵力赴甘援剿是欲剿關
外之賊必須先清甘省欲清甘省非將竄擾楚皖豫三省之賊
迅速殄除則兵力悉爲牽制不能鼓行而西前諭會國藩調派
劉連捷一軍已由官文檄調赴鄂此起官兵皆係會國藩舊部
卽鄂省水陸各軍亦係楚勇居多若得會國藩前往調度則兵
將相習必可收指臂之效現在江甯已臻底平軍務業經蒞事

卽著會國藩酌帶所部前赴鄂皖交界督兵勦賊李鴻章前赴江甯暫署總督江蘇巡撫著吳棠暫行署理 十七日李鴻章至金陵公與商裁退楚軍進用淮軍之策因疏稱臣接奉赴鄂勦賊之

命適李鴻章前來江甯辦理監臨事務臣與之面商湘勇多勦髮匪少遇擒匪不若添調淮勇熟於穎壽之程途兼悉擒匪之伎倆湘淮各軍三路竝進更資得力因會檄調劉銘傳李鶴章等統率淮勇渡江而北隨臣西上進勦皖鄂之賊臣自咸豐四年躬親矢石屢次敗挫厥後十載久未輕臨前敵卽元年秋間大疫羣賊紛乘會國荃被圍四十六日鮑超絕糧三日俱未親

行救援本年屢奉

諭旨飭臣督攻金陵臣亦未親往圍攻非廣視也自揣臨陣指揮非其所長不得不自藏其短俾諸將得展其才此次臣若自赴楚界未必有益而與僧格林沁官文同駐蘄黃四百里之內以 欽差三人萃於一隅恐啟賊匪輕視將帥之心擬仍駐紮安慶六安等處派劉連捷等直入黃州各屬聽候官文調遣凡臣所能調者官文皆能調之臣部之名位勳勞以鮑超爲最著諭旨詢派督辦軍務臣尙奏請由沈葆楨和衷調度豈有官文督楚十年反不能調楚師之理尙有不遵調度惟臣是問力戒將士吟域之見以敦江楚一家之誼務將此股髮捻悉數殄除

使皖鄂一律肅清庶仰慰

宸厯於萬一 又附陳數月以來精神遜前左手搖痠兩耳重聽自度蒲柳早衰萬難再膺重任楚軍出征日久官秩日高漸成強弩之末臣屢次致書李鴻章謂楚勇暮氣將乘必宜多撤淮勇銳氣方盛不可輕撤一俟皖鄂肅清臣卽專疏籲懇

欽差大臣關防屆時委員賁京恭繳臣亦不敢置身局外仍當効力行間將經手事件次第清理一則用去兵餉數百萬雖

恩旨准免造冊報銷仍須督同局員逐款核算開具清摺分別奏咨一則現存勇丁七萬人除酌留數軍外均須籌備欠餉分批裁撤又有降將洪容海古隆賢等七起李世忠之舊部一起

尤須妥爲安置一則新設長江水師立營分汛籌餉修船皆須
逐層區畫此數者係臣分內應了之事計非二年餘不能料理
就緒臣擬擇濱江僻縣駐紮力疾經營不敢稍涉疏懈 僧親
王破賊於黃州僞扶王陳得才伏誅初髮捻各匪屯麻城之白
果竄擾蘄水蘄州廣濟等處僧親王親駐上巴河與官文會勦
前後斃賊數千賊復竄皖境喬松年督英翰郭寶昌張得勝何
紹彩等分扼英山霍山六安連敗賊於楊柳灣土門河紅花界
賊知金陵克復無巢可歸紛紛乞降於是賊酋汪世第張啟才
李宏楊陳錦鳳等率二萬眾詣張得勝何紹彩降僞天將馬融
和詣英翰郭寶昌降僞端王藍成春詣翼長成保降僞朝將魏

康福范立川陳漢泰周添順詣蔣凝學降散遣十餘萬人陳得才服毒死蔣凝學掘得才尸解僧親王大營到戮之惟偽增王賴文光合捻股遁入德安於是竄陝粵匪皆平

上諭前因楚皖賊勢甚衆僧格林沁官文均未得手是以諭令曾國藩督師剿賊嗣據僧格林沁等先後奏報斬水獲勝成大吉軍解圍賊竄英山等處經僧格林沁等督師進剿擒斬首逆多名降者十餘萬衆昨又據喬松年奏報扶逆陳德才自戕髮逆剿除淨盡皖省一律肅清是楚皖近日軍情較之半月以前大不相同現在楚境餘賊由黃州竄德安一帶逆數無多楚軍可敷剿辦曾國藩無庸前赴安慶亦無須交卸督篆仍駐紮金

陵安籌調度李鴻章現在入關監臨俟出關後仍回江蘇巡撫
本任江蘇各郡縣新復一切理財用人撫綏安輯諸事宜非老
成碩畫眞能視國如家者不克勝此巨任會國藩惟當仰體朝
廷倚畀之重次第經畫奠安黎元 時江西餘匪竄入閩中沈
葆楨疏請飭左宗棠剋日入閩督師

上諭前據左宗棠奏賊匪紛竄閩境已飭黃少春劉明珍由衢
州赴邵武劉典由建昌赴汀州高連陞由海道赴福州該督進
駐衢州相機調度當諭會國藩飭鮑超越境會勦刻下閩省賊
氛甚熾著左宗棠催令各軍迅速啟程該督行抵衢州體察軍
情如果十分緊急卽行移軍入閩江省主客各軍共計七萬有

除續又添募勇丁爲數不少沈葆楨旣桑梓關情不能坐視著
抽撥得力員弁統軍赴閩所有援閩各軍均歸左宗棠調遣

二十八日左宗棠自杭州啟行赴閩督師 十一月初三日僞

侍王李世賢自漳州犯萬松關福建陸路提督林文察戰歿文
察臺灣人勇敢能戰左宗棠初聞漳州失守檄文察力保泉廈
勿輕進兵文察已入萬松關距漳郡二十里十月十二日進薄
郡城部將惠壽營壘先陷文察退紮玉洲十四日戰於響水橋
獲勝至是賊悉銳犯萬松關文察督兵迎敵而漳郡土匪瞰官
軍出隊潛襲我營文察中礮死之 張恒祥敗賊於龍巖州

是時左宗棠援閩之師高連陞次泉州康國器由永安進紮雁

石距龍巖二十里王德榜由瑞金馳赴汀州劉典次建甯縣黃少春劉明珍駐延平統計二萬三千餘人初七日康國器敗賊於龍巖東門初八日改葬前兩江總督陸建瀛公親詣祭弔十一日賊酋丁太陽犯漳平縣左宗棠遣賴長熊應烈擊卻之十七日劉典敗賊新泉下車上下羅等處十九日賊陷楊家坊營我軍大潰劉典退保連城時僞侍王李世賢踞漳州僞康王汪海洋踞長汀連城上杭之交地日南陽鄉自永定上杭龍巖至漳州縱橫數百里一片賊氛康國器進攻龍巖劉典進攻南陽均未得手左宗棠飭各軍分扼要害深溝固壘以取遠勢因疏言漳州城外數十里地勢平行彌望蔗田難以

進攻自林文察敗歿後附近村莊多被賊脅必先將村莊撫定
乃免內患現檄高連陞黃少春勿攻城浪戰相機圖之如能誘
賊撲壘反客爲主痛剿數次然後機有可乘剿辦流賊貴取遠
勢驅各處股匪歸併一處而後合力蹙之庶完善之區得以保
全而兵力亦數分布臣未敢急目前之效致誤大局也 十六
日左宗棠至浦城督師 時擒匪勾合粵匪餘黨竄擾鄂境西
北其踞德安者由平林市竄雷公店踞隨州者分竄襄棗之黃
龍壩資山等處踞黃安者由孝感應山奔赴隨州公疏稱鄂中
髮逆雖經全數殄滅而捻逆退竄德安一帶則由鄂而豫而皖
均係往來熟徑劉連捷等軍宜以黃州上巴河爲老營凡黃州

五
八屬有警卽令分隊馳勦並派吳坤修前往料理營務劉銘傳
等軍宜以三河尖固始爲老營凡皖豫交界有警卽令相機防
勦仍派李鶴章前往料理營務有此兩枝勁旅庶可騰出湖北
本省兵力專顧德安襄陽等處以爲通力合作之計臣俟此間
科場告竣諸務就緒擬仍乘坐輪船駛赴安慶黃州一次面囑
諸將妥籌防勦迅掃上游餘孽以慰

宸廑 僧親王擊賊於涼河敗績賊自棗陽黃龍塢峪山等處
竄向西白河適霧氣迷漫我軍陷於溝坎泥淖爲賊所乘遂失
利賊竄鄧州白牛里僧親王追至鄧州遂駐師焉 二十七日
左宗棠移駐延平 十二月十二日劉典王德榜敗賊於連城

十五日黃少春高連陞敗賊於漳州 十七日漳州守賊犯
我營黃少春高連陞擊卻之 十九日賊陷長泰縣黃少春高
連陞會復之 二十四日黃少春高連陞敗賊於浦南 二十
五日劉典王德榜擊賊於古田克其二卡 二十六日王開琳
張恒祥敗賊於涂坊斬賊首炳天義李斗其欽天豫洪世芳
時左軍之在福建者約三萬人規漳州則高連陞四千六百人
黃少春馬步二千餘人規龍巖則康國器三千人劉明珍一千
五百人規汀州連城則劉典馬步八千餘人王德榜四千人王
開琳三千餘人左宗棠自率親兵三千人而賊數猶二十餘萬
李世賢踞漳州偽東王偽秦王踞龍巖及永安南靖雲霄之賊

皆世賢死黨約共十萬人汪海洋踞南陽鄉賊數一百八十五
隊每隊五百人約共九萬餘人丁太陽林正陽出沒漳龍間衆
各數萬而粵之湖嘉閩之泉漳汀龍永春等府州向爲匪盜淵
藪相率從亂者更不可以數計宗棠以三萬之衆分布數百里
之間且防且勦卒能次第剷除以竟大功其沈毅堅定蓋有不
可及者矣 兩廣總督毛鴻賓遣何雲章攻雲霄楊清臣攻平
和方耀攻永定均獲勝 二十九日方耀張行楷克永定縣
先是秋冬間

朝旨垂詢金陵應辦事宜一修理明太祖孝陵一補抄李秀成
供詞一尋覓張國樑忠骸公未及具奏至是乃分條覆陳畧云

諭旨飭派會國荃前往明太祖孝陵致祭其有應行修葺之處
飭臣一面查明情形迅速奏聞一面督飭地方官酌量興修等
因查孝陵衛在江甯省城東北爲昔年向榮等駐軍之所十年
兵燹不特饗殿全毀卽圍牆碑石亦已蕩然無存仰荷

聖慈優禮勝朝遣官致祭遵卽移會會國荃於九月二十日按
照會典謹備祭品前往行禮臣亦嘗往展謁一次察看明陵毀
傷過甚修理維艱旋委善後局司道勘估工程據稟匠人不甚
諳練約畧估計需銀在十二萬兩以外金陵應修之工極多且
鉅六月十六日破城時地道缺口及南門城樓甫經修竣頃又
於十二月初七日挑浚秦淮河此三處皆用營中勇夫分段賦

工然須費已二萬有奇此外城脚地道二十餘處明春有頽圯之虞目下無此巨款興修卽明陵要工亦尙無款可撥不能不稍緩數月再行籌辦

諭旨有云會國藩咨送李秀成供詞一本昨議政王軍機大臣呈進均已覽悉末段所載該逆宛轉求生乞貸一命請招降江西湖北各賊言招降事宜有十要洪逆有十誤均歸刪節飭將原供仍詳細抄錄咨送軍機處等因查李秀成原供摺拾數萬言雖多可信之處而自誇戰功與各路軍報不甚符合其中反覆重沓獻諛乞憐無非圖延旦夕之命臣竊謂該逆斷無赦理江西湖北各賊股亦斷無憑該逆尺書全數就撫之理是以將

其支詞妄語概行刪節奉

諭旨查詢茲將其十要十誤及其他語補抄進

呈以備考核

諭旨李秀成供詞內稱張國樑遺骸係伊用棺木收埋在丹陽寶塔根下飭臣傳知會國荃派員尋覓卽飭該故員家屬認領改葬等因遵經恭錄轉移會國荃派員往查日久無獲臣又續派副將朱士達守備施占琦前往丹陽東門外附近寶塔之皖江會館三義閣一帶徧詢該處居民并寺僧寶華僉稱從前寶塔下并無墳墓咸豐十年賊擾後始有墳墓一邱本年九月會國荃派員尋訪後又經馮子材委員訪求張國樑忠骸至此啟

視不符重爲加土封築此外別無一墳更無一能知之者旋據江西縣丞王丙煒稟報伊弟丙椿在張國樑部下同時戰歿丙椿隨身長夫現在逃至江西頗能述當日死事情形臣已批令飭派該長夫迅至金陵以憑詰問張國樑收埋下落尙不知有無端倪

同治四年正月初二日僞侍王李世賢犯漳州營高連陞擊卻之 初七日王開琳進軍塗坊賊率衆來爭開琳擊卻之 十一日王德榜破連城下車賊壘追賊至馬洋洞 十二日張恒祥破汀州南嶺賊卡 二十一日賊陷漳浦縣張恒祥攻破香塔賊卡 二十二日王開琳克羅源嶺 張恒祥克白雲嶺

劉典擊賊於新泉下攻克賊卡數十所 二十三日王德榜擊賊於禾樹凹破賊壘六座 二十四日康國器克龍巖州初李世賢自浦南渡東退入漳城將噉汪海洋守龍巖而調龍巖之賊會丁太陽及花旗林正揚等犯安溪并永定賊由坎下入漳城分漳城之賊犯長泰以援泉州斷高連陞黃少春餉道冀窺伺省城連陞遣光邴等守長泰會少春委員赴鄉團練憑河而守二十三日賊由州城分五路撲鐵石洋大營康國器力戰敗之古田之賊率黨萬餘至小池來援國器乘勝痛擊走之次日我軍乘夜攻城賊冒雨啟南門而遁遂克其城 二十五日王德榜攻克古田賊壘 二十七日劉典王德榜大捷於新泉典

與德榜約會進南陽鄉德榜行至馬洋洞有賊目遞文乞降德榜謂其詐不受而汪海洋已率悍黨數萬蜂擁而至德榜且戰且退至新泉壘邊賊大股來撲營我軍分路迎擊佘佑民等首先陷陣李耀南等繼之劉大謨等出新泉右路劉典親率中營出中路適見黃白號衣悍賊二萬餘人分列田隴向前猛撲我營勢漸不支劉典令劉大謨劉春藻從旁抄襲典自率親兵力戰各軍踴躍爭先賊大敗走適王德榜亦擊退撲營之賊率師助戰賊覓水向西岸逃竄偏溺死者無數退至下車德榜躡踪夾擊汪海洋下馬痛哭倉卒間幾爲官軍所獲其死黨擁之翻山逸去是役也斃賊六千餘名生擒四百餘名汪首向以悍賊

執大旗服黃白號衣名爲標兵待旗手甚厚遇有危急輒麾之
向前自號無敵至是精銳喪失過半矣 劉明珍敗賊於漳平
之新林克賊卡三座 二十九日高連陞敗賊於漳州好景山
三十日李世賢陷曾玉明營高連陞邀擊於丹洲大破之連
陞聞河邊砲聲率洋鎗隊馳往策應見悍賊三四千人已破曾
玉明丹洲陸營直趨鎮門師船潰退賊跟追甚急連陞飭洋鎗
隊向前排擊遣蕭立信丁賢發程學明駕小艇渡河直扼丹洲
以劈山礮橫截小河斷其歸路鏖戰兩時賊紛紛敗走比至丹
洲丁賢發蕭立信程學明三路衝殺賊駭懼無措偏溺港中者
無算時曾玉明台勇亦從險橋馳至復爭出殺賊李世賢棄馬

而遁餘賊盡殲得脫者百餘人而已 先是

朝旨以江蘇肅清飭李鴻章撥調劉銘傳周盛波兩軍航海入閩鴻章疏言劉銘傳等現紮皖豫交界之三河尖離蘇已千餘里往返徵調必誤師期豫省捻踪飄然靡常仍應暫留該軍駐淮河上游以資扼堵臣現派郭松林統帶楚勇七營楊鼎勳統帶淮勇六營由上海僱備輪船赴閩助剿

上諭現在侍逆大股久踞漳州窺伺泉廈郭松林等所統均係洋鎗隊攻堅破敵所向有功該軍由滬航海至廈登岸甚為便捷著左宗棠於此軍抵閩後妥為調遣飭令會剿漳州踞逆力拔堅城李鴻章擬將郭松林等軍暫行勻撥蘇餉於上海廈門

設局解運具見畛域不分以後當源源接濟以資飽騰郭松林若去廈門日遠蘇省亦難兼顧著左宗棠徐宗幹毛鴻寶郭嵩燾就近協濟現在豫省賊勢南趨皖防喫緊劉銘傳旣無庸赴閩仍著會國藩妥爲調度 二月汪海洋棄南陽遁劉典王德榜王開琳追擊敗之典與德榜開琳由汀州連城進勦南陽賊巢屢戰皆捷初四日汪海洋棄巢宵遁陳鴻藻等由亨了嶺殺入斃賊數百名初五日典令楊芳桂張福齊等追至上杭舊縣時上杭縣聯甲隨粵軍方耀擊賊於距城十里之石脚下亦獲大勝初六日典令李耀南等進駐華家亭適賊由舊縣竄白沙張福齊李耀南夾擊敗之初七日典親率所部會德榜擊賊於

白沙復大破之開琳聞南陽賊遁亦分路疾追敗賊於茶樹下
汪海洋且戰且走遂走永定縣界我軍追至賊復由坎市竄龜
陽汀連城外肅清 劉明珍趙均會攻漳平連破板場後壩和
溪水潮賊壘賊自南陽竄白沙石碣闖入粵境兩廣總督毛鴻
賓遣方耀等軍併力分剿盡毀石碣賊壘殲賊萬人而另股由
大埔之白垵直撲楓朗營戴朝朗復擊卻之賊奔平和 二十
六日賊犯漳北周紹濂營黃少春擊走之 三月初二日黃少
春敗賊於漳州田東社高連陞敗賊於崎下橋 初六日賊陷
詔安縣知縣趙人成死之 初九日高連陞黃少春敗賊於漳
州東門 十三日汪海洋率五六萬衆分撲響水橋北尾橋營

壘高連陞黃少春力戰卻之 十五日劉典敗賊於龍巖之奎
洋山 十六日高連陞黃少春會蘇軍郭松林擊賊於赤嶺敗
之 王開琳敗賊於永定之跌馬寨 二十日康國器克龍岩
茅畚賊壘三座 二十七日劉典康國器張恒祥敗賊於下奎
洋 王開琳克苦竹賊壘三座 廣東巡撫郭嵩燾遣李福泰
擊賊於詔安破之賊自陷詔安逼近粵疆李福泰率黃朝恩等
分路進剿追至詔安城下殺賊數千人時饒平大埔逼近賊氛
福泰令卓興程國彥方耀等分守柏松關風朗老虎關粵防稍
固 四月初十日郭松林楊鼎勳敗賊於漳南 李世賢由漳
北小路趨安溪王德榜邀擊走之 郭松林楊鼎勳擊同安土

匪讖之 二十一日左宗棠軍攻克漳州府初黃少春赴浦南
察看地勢見烏頭門與東北樓內寨勢成犄角欲復漳城必先
破樓內賊寨欲得樓內必先破烏頭門賊壘遂會商蘇軍郭松
林楊鼎勳等分路進攻少春攻中路劉清亮繼之王德榜攻烏
頭門之右高連陞攻烏頭之左郭松林楊鼎勳率洋鎗隊同由
左路進勦各軍奮威齊擊呼聲震天環攻兩時壘外花椿木城
拔取殆盡羣賊駭愕立克賊壘十四座殺賊萬餘高連陞見烏
頭門煙燄蔽天遂肉薄寨垣蟻附而上賊眾潰敗追至東關忽
風雨大作松林施放洋礮民團吶喊助勢聲震山谷焚賊壘十
餘座賊望城而奔連陞少春偕松林鼎勳蹶踪追殺奪門而入

道會玉明率台勇由南門殺入李世賢巷戰逾時由西路而逸
二十二日劉典王德榜克復南靖縣初典軍攻克奎洋梅林
場校等壘賊首汪海洋走大埔典率軍進規南靖聞漳州既克
益急攻城王德榜率軍助戰賊奪路逃奔典從東北門入德榜
從南門入遂克其城左宗棠疏報漳州南靖兩城捷狀畧云
自賊由江粵闖入閩省連陷龍岩漳州各城而漳州尤屬腹地
又菁華聚積之區一經竊踞全局爲之震動其時洋人又從中
煽搆逆燄更張幸高連陞黃少春等先後馳抵漳州東北屢次
痛勦劉典等軍復回汀連節節掃蕩而下局勢漸臻穩固侍逆
於破城之先旬日致書汪逆猶思合力突竄龍岩漳平以覓生

路怪汪逆不急援之不知汪逆則已爲西路官軍擊敗先向大埔一路竄逸矣漳城逆勢已孤猶恃南靖及烏頭門樓內寨與東關各賊壘勉相撐格迨二十日官軍將各堅壘一氣掃蕩而下始獲克此堅城諸將士勞烈備臻實有未可掩抑者臣宗棠前駐延平深慮主客各軍統將頗多事權未能畫一此次諸將和衷共濟遇事謀定而戰畧無參差卽西路諸軍遙成犄角亦莫不如期應念而至故事機順利得免延曠之虞實非臣等始願所及現在蘇軍由漳州進攻漳浦可由此以進雲霄詔安與粵東黃岡守軍聯絡并可杜其入海之謀湘軍分由南靖漳州追賊以向平和可與粵東饒平守軍聯絡其緊連粵東大埔一

帶則總兵王開琳延建邵道康國器及都司關鎮邦各軍扼永定之撫溪湖霄上杭一帶截之由汀州至湖州一水可通溪溜湍急粵軍若能憑河遏截則侍康兩逆圖竄亦難臣宗棠於二十九日馳抵興化府城拜摺後卽由泉赴漳察看賊踪趨向督率各軍相機追剿務期迅掃餘氛仰紓

宸廑奉

旨嘉勉 康國器攻苦竹賊壘克之 二十五日汪海洋犯湖雷康國器擊卻之 二十七日郭松林楊鼎勳克漳浦縣遂收復雲霄廳 康國器劉典敗賊於劍灘汪海洋向永定西北潰遁 高連陞克平和縣 二十九日高連陞追擊賊於大溪擒

偽祥王黃芸隆餘賊數千降。王德榜追賊至大埔，偽天將郭揚維等率四千人降。五月初一日，郭松林、楊鼎勳克詔安縣。初十日，康熊飛、王開琳擊賊於劍灘，收復千餘人。初三日，張福齊擊賊於永定河陣，斬叛首劉得義，收降萬餘人。其另股偽天將何春貴等率二萬四千人詣王開琳降。初五日，王德榜敗賊於白土。十三日，賊首丁太陽詣劉典降。十五日，高連陞追擊賊於大姑灘，敗之。十八日，郭松林、楊鼎勳擊雲霄、雁岳坑匪巢，平之。二十日，高連陞敗賊於武平。汪海洋竄入廣東境，福建平。是時，僧親王戰歿於曹州，捻氛益肆。公方奉督師山東之

命左宗棠疏請調回蘇軍備勦擒之用

旨如議 二十二日偽康王汪海洋陷鎮平縣閏五月初五日
郭嵩燾遣軍攻鎮平敗賊於五星橋盡克九嶺茶園賊壘 方
耀破賊於平遠 十五日康國器敗賊於藍防 二十日高連
陞黃少春敗賊於分水坳 汪海洋犯嘉應州康國器敗之於
瓦窰賊回竄鎮平 霆營潰卒竄興甯縣降於汪海洋先是四
月間鮑超回蜀所部霆字營行至湖北金口聞將西征隴右全
軍譁潰竄入江西義甯新昌攻撲袁州府遂由萍鄉至湖南擾
及攸縣茶陵郴州等屬復由江西廣東邊界竄興甯與汪海洋
合於是賊燄復張海洋偵知廣東江西邊防甚嚴仍思由閩邊

倫竄江西遂由鎮平逾分水均至廣福鄉一帶偷割早稻高連
陸黃少春等擊卻之 六月初六日高連陸擊汪海洋於廣福
鄉大破之斬偽朝將伍金保 初八日汪海洋犯分水均高連
陸力戰卻之 初九日康國器克鎮平棠梅賊卡 十三日汪
海洋殺偽王宗李元茂海洋以李世賢之敗咎元茂等護援不
力元茂本世賢死黨海洋藉此殺之以立威自是羣賊益攜貳
矣 偽陪王譚富詣李福泰降 偽朝將莫恩詣康國器降
自譚富投誠汪海洋猜忌益甚增卡稽察以親信賊黨守之井
喉寔營叛卒黃矮子等分踞鎮平西南四十里之黃坑東西陂
磁溪一帶深溝高壘以自固賊勢益孤矣 七月初三日汪海

洋殺李世賢於鎮平世賢自永定敗潰夜半偷渡隨行者多溺斃世賢梟水上岸割去鬚髮跳匿山中夜行晝伏人無知者至鎮平使人告海洋海洋率黨郊迎并轡入城其舊黨泣訴海洋猜狠之狀世賢心弗善也海洋不自安乘其臥而殺之揚言侍首已降官兵將爲內應并殺其僞王宗天將朝將五人 初六日康國器克鎮平石坑賊壘三藍坊賊壘一 初八日康國器敗賊於南坑 十七日汪海洋大舉犯我營康國器擊卻之林振揚陷長樂縣 霆營叛勇詣方耀降叛勇與髮逆在吉祥墟搜括糧食分派不均互相鬥殺遂詣粵軍方耀降計七千餘人 三十日僞天將張祥順詣康國器降 八月初一日林振

求闕齋弟子記

卷十

七

揚詣粵軍卓興降遂收復長樂縣 初十日康國器克鎮平縣
汪海洋久踞鎮平屢爲官軍所敗益洵懼康國器令康熊飛攻
石古排賊壘林本攻對門營賊壘熊應烈攻白果山賊壘賊酋
胡永祥率悍賊數千飛奔而來康熊飛等分路夾擊賊大潰是
夜胡永祥乞降國器察其詐乘夜疾進直趨石古排壘下破柵
而入他壘賊皆驚走國器急攻鎮平比至城邊汪海洋已開西
門逃竄適高連陞黃少春率軍亦至遂同入城國器連陞少春
等亦分軍追賊收降數千人賊遂竄平遠 十三日高連陞康
國器追擊賊於楓葉坑 十四日高連陞敗賊於黃陂墟 十
六日劉清亮追擊賊於羅浮司 十九日王開琳敗賊於絲茅

坪 時汪海洋圖竄江西閩軍扼守武平不能北乃改由鎮平西南犯平遠江西軍席寶田截之東石閩軍自後急躡之復改由大柘以向興甯之黃陂墟羅浮司閩軍追之復折而北趨乃竄入長甯交界之小山墟青龍墟洋坑一帶於是席寶田婁雲慶由平遠折回長甯王開琳周寬世分扼長甯之篁鄉堡鷲公墟左宗棠所部閩軍躡踪緊追賊不得喘息矣 二十二日王開琳敗賊於瑤田 九月汪海洋竄定南龍南江西軍擊走之海洋自青龍墟敗竄王開琳追及於白水渡斬馘千餘前股竄至天花寺下懸墟圍攻橫岡營分黨撲定南廳同知王大枚擊敗之餘匪竄撲龍南縣知縣王家傑復擊退之席寶田先期至

贛南鐵石口扼勦連日鏖戰汪海洋背受矛傷幾被擒前後殲賊萬人海洋復由江西竄廣東陷平和縣棄平和竄連平州擾及長甯大蓆翁源一帶 十月二十一日汪海洋陷嘉應州海洋由連平翻山繞竄和平興甯所過城邑皆繞道疾趨旬日之間走數百里突犯嘉應州陷之時閩軍爲賊所隔東江一帶土匪猖獗楚軍隊伍輻重落後者均被劫殺高連陞劉清亮等軍疾疫盛行左宗棠檄賴長等率千人扼永定王德榜率二千五百人由汀州進勦黃少春由江西信豐過安遠以扼武平宗棠移駐瑄溪以扼漳州之衝因疏言臣抵瑄溪調知賊踪尙未竄動江西各軍尙無出境確耗適奉

諭旨鮑超一軍仍歸臣節制鮑超書來亦亟思隨同臣軍進剿臣當卽咨鮑超率新舊各營一萬二千入閩分扼武平上杭頃據康國器高連陞械報尾賊而來由興甯向東北疾趨高連陞已紮嘉應州東北之葵嶺康國器已紮鎮平縣粵軍方耀鄧安邦紮嘉應州西之藍口賴長紮嘉應州東南之井塘與粵軍張銳等夾河而守四面布置粗有規模仰懇

皇上天恩寬其督責假以權宜俾得從容就緒雖曠日持久亦所不惜奉

旨嘉勉 十二月十二日左宗棠軍擊賊於嘉應州大破之僞康王汪海洋伏誅初海洋見官軍漸逼屢率悍黨至州東佛子

高分水鄉曹塘一帶窺覘地勢冀設伏以待我軍初十日宗棠令黃少春王德榜分紮橫迤深坑石灰窰至是進紮塔子魯海洋嗾悍黨抄襲橫迤少春德榜等令諸軍捨築營壘自率親兵擊退之海洋復與胡瞎子分黨抄深坑葵嶺漫山遍野勢極披猖我軍分路援應自辰鏖戰至未盪決數十合各將弁舍騎步戰塞旗陷陣皆一以當百賊敗走海洋誓死抗拒張福齊等麾軍痛勦正酣戰間簡桂林等持矛大呼衝陣賊眾山頽追至佛子高時已酉刻始各收隊海洋中鎗子從頭左偏穿山兩眉之際立即墜馬昇回州城氣絕羣賊推僞借王諱體元爲首以胡瞎子汪麻子黃矮子何明亮等副之二十二日左宗棠克嘉

應州粵匪平自汪海洋伏誅僞借王譚體元代統其眾宗棠令高連陞黃少春王德榜逼州東營於黃竹洋佛子高曹塘等隘劉典劉明燈簡桂林李耀南紮西洋市賴長扼龍津橋飭各營於西洋搭造浮橋夾河并進適鮑超抵州西北三十里之相公亭進紮平成鋪李福泰紮州西藍口令方耀鄧安邦至古塘列隊與鮑超爲犄角之勢十九日賊出七樹撲粵軍營方耀鄧安邦遂擊於金雞石坳口敗之二十日鮑超出隊相度地勢譚體元率悍黨分投來撲超令唐仁廉等分路迎敵敗之宗棠度賊不得逞必速竄飭各軍迅速鎖圍調江軍席寶田劉勝祥紮州西換出粵軍方耀等紮州南二十二日賊乘夜潛啟西南門由

小密出黃砂峯而逸胡瞎子居首黃體元斷後劉明燈偵賊已出城與簡桂林賴長疾趨黃砂嶂黃砂嶂者州南狹隘羣峯峭削一徑縈紆爲嘉應至豐順潮州之間道賊以數萬衆冒死出險劉明燈等追過小密次日至黃砂嶂斃賊二千名先是賊目劉廷貴沈文有等輸款於黃少春城賊出走時飛報各軍於是黃少春高連陞劉清亮四鼓率隊入東門鮑超亦率所部入城方耀等追至黃砂嶂而返二十三日劉明燈簡桂林賴長由黃砂嶂緣崖衝殺陣斬三千餘名生擒千餘名墜崖落澗者以數千計適高連陞劉清亮鮑超康國器王德榜踵至追殺至新田二十四日高連陞進軍大田收降萬餘人斬叛勇歐陽輝及賊

首賴裕新生擒僞總統胡瞎子卽永祥也餘匪皆降而僞先鋒
眉天義曹玉科等率四萬眾詣王德榜降僞忠誠天將何明治
率二萬眾詣鮑超降於是廣西髮匪全股蕩平

上諭左宗棠瑞齡郭嵩燾劉坤一奏收復嘉應州城追剿竄匪
全股蕩平各摺覽奏曷勝欣慰逆首汪海洋盤踞嘉應州屢思
衝突出竄經左宗棠督飭江閩粵三省之軍面面兜擊遂使該
逆無路可竄一鼓殲除深堪嘉尙惟投降之人爲數過多必須
妥爲遣散分別安插方免後患閩粵地方向多土匪積年爲患
亦應搜捕淨盡永絕根株并飭地方文武將應辦善後事宜認
眞妥辦現在東南雖已肅清而捻匪竄擾北路楚豫等省到處

戒嚴防勦正當喫緊鮑超一軍前本令其馳赴北路助戰此時粵賊業已辦結卽著左宗棠飭令迅赴楚豫之交聽候會國藩調遣其江閩各軍有可調赴楚豫江皖助勦者并著會國藩迅速函商左宗棠等酌量調往以厚兵力

賊首名號譜附

偽號偽官

名氏

子

偽天王

洪秀全

廣東花縣人
咸豐元年正月
月僭號稱太平
平天國元年

洪福瑱

本名天貴
又貴福秀
名天貴福秀

三年五月死
三年五月死
三年五月死

三年五月死
三年五月死
三年五月死

三年五月死
三年五月死
三年五月死

三年五月死
三年五月死
三年五月死

偽殿前統領轉奏親

楊秀清

廣東嘉應州人
遷廣西桂

楊

秀清第五子
秀清死襲封

命文衡正總裁右輔
正軍師頂天扶朝綱
東王九千歲

平縣咸豐元年
年正月受偽

秀清死襲封
秀清死襲封

封六年七月
為偽北王韋
目輝所殺

偽殿前節鉞齋奏親左蕭朝貴廣西武宣人受蕭有和朝貴子襲封破時死

命文衡又正總裁扶左蕭朝貴咸豐元年受
弼又正軍師頂天扶偽封二年攻
朝綱西主入千歲長沙城為駁擊死

偽殿前親馮雲山廣東花縣人受馮雲山子襲封
命文衡副總裁前疑馮雲山咸豐元年受
副軍師頂天扶朝綱偽封二年攻

南王七千歲全州中砲死
偽殿前親韋昌輝原名正廣西
命文衡又副總裁後扶韋昌輝桂平人咸豐

承又副軍師頂天扶元年受偽封
朝綱北王六千歲六年為偽東

王黨所殺

偽殿前京內正總鑑失名
頂天扶朝綱懿王禧

千歲

死於亂兵

偽殿前京內又正總
鑑頂天扶朝綱信王
顯千歲

洪仁發

秀全長兄初
偽封安王後
改封同治三
年伏誅於金
陵

偽殿前京內副總鑑
御林兵馬哥頂天扶
朝綱勇王倫千歲

洪仁達

秀全仲兄初
偽封福王後
改封同治三
年伏誅於金
陵

偽殿前京內又副總
鑑頂天扶朝綱巨王
顯千歲

洪和元

仁發長子同
治三年死於
亂兵

偽殿前京外正總鑑
頂天扶朝綱崇王顯
千歲

洪利元

仁發次子同
治三年死於
亂兵

偽殿前京外又正總
鑑頂天扶朝綱元王
顯千歲
洪科元 仁發第三子

偽殿前京外副總
頂天扶朝綱長王顯
千歲
洪瑞元 仁發第四子

偽殿前京外又副總
鑑頂天扶朝綱見王
顯千歲
洪現元 仁發第五子

偽殿前京內總鑄寶
頂天扶朝綱開朝王
見孝千歲
賴桂芳 洪秀全之舅
同治三年四月克丹陽擒斬之

偽殿前正總鑄寶頂
天扶朝綱店王顯千
歲
洪瑋元 仁發第六子

偽殿前又正總鑄寶
頂天扶朝綱同王顯
千歲
洪珣元
仁發第七子

偽殿前副總鑄寶
天扶朝綱次王顯千
歲
洪錦元
仁發第八子

偽殿前又副總鑄寶
頂天扶朝綱定王倫
千歲
洪鈺元
仁達長子同治三年金陵克復死於亂

偽殿前正開礦頂天
扶朝綱漢王倫千歲
洪鈺元
仁達次子

偽殿前又正總開礦
頂天扶朝綱天二駙
馬金王
鍾萬信

偽殿前副總開礦頂
天扶朝綱天四駙馬
黃棟梁

凱王

偽殿前又副總開礦
頂天扶朝綱天西駙
馬捷王

黃文勝

偽殿前吏部正天僚
親命文衡副總裁僚

洪仁玕

秀全之弟咸豐九年受偽

洪葵元

仁玕長子

部領補精忠正軍師
頂天扶朝綱千王福
千歲

封同治三年生擒於江西

偽殿前吏部又正天僚
僚開朝公忠又副軍
師頂天扶朝綱翼王
喜千歲

石達開

廣東和平人住廣西貴縣

咸豐元年受偽封同治二年於四川伏誅

偽殿前吏部副天僚
頂天扶朝綱英王祿

陳玉成

本名丕成洪秀全政為玉

千歲

成同治元年
苗沛霖擒送
勝保軍前斬

之

偽殿前吏部又副天
僚頂天扶朝綱忠王

李秀成

本名以文洪
秀全改為秀

李士貴

秀成養子成
豐十一年偽

榮千歲

成廣西藤縣
人同治三年

封忠二殿下

同治三年九

六月克金陵
生擒磔之

擒正法

月在浙江生

李其祥

秀成之子同
治三年獲於

江西以年幼
俟及歲時照
例辦理

偽殿前戶部正地僚
頂天扶朝綱贊王耀

蒙得恩

蒙時雍

得恩子襲封
偽職

偽殿前戶部又正地
僚頂天扶朝綱侍王
雄千歲

李世賢
秀成之從弟
同治四年爲
偽康王汪海
洋所殺

偽殿前戶部副地僚
頂天扶朝綱輔王威
千歲

楊輔清

秀清之從弟
賊黨敗潰竄
匿不出同治
十三年被執
於福建伏誅

偽殿前戶部又副地
僚頂天扶朝綱章王
壽千歲

林紹章

咸豐十一年
死於安慶

偽殿前禮部正春僚
頂天扶朝綱豫王強
千歲

胡以眺

廣西桂平人
踞廬州後走
死

胡萬勝

以眺子襲封
偽職

偽殿前禮部又正春
僚頂天扶朝綱順王

李春發

歡千歲

偽殿前禮部副春僚
頂天扶朝綱護王悅

陳坤書

同治三年常州克復擒斬

之

偽殿前禮部又副春僚
頂天扶朝綱願王

吳如孝

咸豐七年受偽封九年八月伏誅於盱

偽殿前兵部正夏僚
頂天扶朝綱扶王強

陳得才

同治四年在湖北伏毒死

偽殿前兵部又正夏僚
頂天扶朝綱對王

洪春元

同治二年六月死於金陵

猛千歲

偽殿前兵部副夏僚
頂天扶朝綱勤王茂

林啟容

咸豐八年九月九日克復

千歲

死

偽殿前兵部又副夏
僚頂天扶朝綱弼王黃得用

禎千歲

偽殿前刑部正秋僚
頂天扶朝綱補王祥莫仕葵

千歲

偽殿前刑部又正秋
僚頂天扶朝綱敬王林大居

遂千歲

偽殿前刑部副秋僚
頂天扶朝綱畏王昌泰日南

千歲

偽殿前刑部又副秋
僚頂天扶朝綱愛王黃崇發

同治元年死
於雍家鎮

吉千歲

偽殿前工部正冬僚
頂天扶朝綱惟王利

洪仁政

秀全之從兄
同治三年生
擄於江西石

偽殿前工部又正冬
僚頂天扶朝綱就王

黃盛爵

孫黃文金之姪

偽殿前工部副冬僚
頂天扶朝綱報王隆

秦日源

偽殿前工部又副冬
僚頂天扶朝綱頂王

蕭朝富

朝貴之兄

康千歲

偽殿前京畿統轄頂
天扶朝綱直王裕千

劉慶漢

歲

偽殿前京外各省統轄頂天扶朝綱善王

陳觀意

盛千歲

偽殿前番鎮統轄頂天扶朝綱守王豐千歲

方海宗

同治三年三月克復句容時竄出其弟成宗擒解安慶正法

偽殿前京內統率天生千歲軍頂天扶朝綱從王

陳得隆

同治元年廬州克復生擒斬之

偽殿前京外統率天軍頂天扶朝綱奉王定千歲

古隆賢

同治二年九月投誠

偽殿前東方統率天
軍頂天扶朝綱保王
安干歲

洪容海

本姓童同治
元年六月投
誠後復姓

偽殿前西方統率天
軍頂天扶朝綱相王
享干歲

陳潘武

偽殿前南方統率天
軍頂天扶朝綱啟王
甯干歲

梁成富

同治三年四
月死於階州

偽殿前北方統率天
軍頂天扶朝綱沃王
謚干歲

張樂行

同治二年二
月爲僧親王
所誅

偽殿前春季統率天
軍頂天扶朝綱導王
昇干歲

陳仕榮

同治元年廬
州克復生擒
斬之

偽殿前夏季統率天
軍頂天扶朝綱遵王
幸千歲

賴汶洸

同治六年十
一月死於揚
州

偽殿前秋季統率天
軍頂天扶朝綱遵王
豪千歲

陳炳文

同治三年七
月投誠

偽殿前冬季統率天
軍頂天扶朝綱堵王
花千歲

黃文金

同治三年八
月死於孝豐

偽殿前京內電察天
軍頂天扶朝綱循王
暢千歲

魏超成

偽殿前東方電察天
軍頂天扶朝綱衛王
好千歲

楊雄清

偽殿前西方電察天
軍頂天扶朝綱匡王
賴文鴻
同治三年死於甯國縣

偽殿前南方電察天
軍頂天扶朝綱襄王
劉官方
同治三年官軍敗之於金壇

偽殿前北方電察天
軍頂天扶朝綱奏王
苗沛霖
安徽鳳臺人同治二年十月死於蒙城

偽殿前春季電察天
軍頂天扶朝綱請王
李開方
咸豐五年獻俘至京磔死

偽殿前夏季電察天
軍頂天扶朝綱求王
林鳳祥
咸豐五年獻俘至京伏誅

偽殿前秋季電察天
軍頂天扶朝綱祝王
洽干歲
吉文安

偽殿前冬季電察天
軍頂天扶朝綱祝王
讓干歲
盧六

偽殿前京內雷震天
軍頂天扶朝綱勤王
遜干歲
黃為政

偽殿前京外雷震天
軍頂天扶朝綱宗王
廉干歲
吉能勝

偽殿前東方雷震天
軍頂天扶朝綱服王
法干歲
曾傳忠

偽殿前西方雷震天
軍頂天扶朝綱亭王
梁輿琛
寬千歲

偽殿前南方雷震天
軍頂天扶朝綱拱王
楊張安
宏千歲

偽殿前北方雷震天
軍頂天扶朝綱慶王
秦日慶
廣千歲

偽殿前春季雷震天
軍頂天扶朝綱賀王
秦日采
大千歲

偽殿前夏季雷震天
軍頂天扶朝綱望王
黃文安
文金之弟
欣千歲

偽殿前秋季雷震天
軍頂天扶朝綱佑王
成干歲

李遠繼

同治二年三月死於江西

偽殿前冬季雷震天
軍頂天扶朝綱祐王
行干歲

藍成春

同治二年被東壩殺之

偽殿前誅奸助忠頂
天扶朝綱孝王美干
歲

胡鼎文

同治二年三月死於饒州

偽殿前斬邪留正頂
天扶朝綱學王芳干
歲

胡海隆

偽殿前斬曲留直頂
天扶朝綱慕王丰干
歲

譚紹洸

同治二年十月蘇州城破死

偽殿前斬惡留善頂
天扶朝綱來王彩干
陸順得
同治三年竄
浙江孝豐

偽殿前斬假留真頂
天扶朝綱趨王誠干
黃章桂
同治二年拒
官軍於無錫

偽殿前劾私保公頂
天扶朝綱慰王實干
朱兆英

偽殿前戮魔尊天頂
天扶朝綱戴王純干
黃呈忠
同治三年竄
浙江

偽殿前滅妖救人頂
天扶朝綱銘王固干
張立趨

偽殿前鋤暴樹仁頂侯賢提
天扶朝綱心王健干

偽殿前捕寇安民頂范汝增
天扶朝綱首王靈干
一治六年十一月為壽光縣民所殺

偽殿前黜疵崇醇親黃期升
命文衡又副總裁頂

偽殿前催下貢上頂藍泰義
天扶朝綱解王徵干

偽殿前送往迎來頂梁鳳超
天扶朝綱貢王長干

偽殿前除害興利頂郤永寬
治一名雲官同
天扶朝綱納王遠千
破蘇州投誠

偽殿前濟川涉遠頂唐政才
同治二年蘇
天扶朝綱航王撐千
州克復伏誅

偽殿前九門御林頂徐昌光
同治六年十
天扶朝綱列王千
一月為壽光
縣民所殺

偽天德王
洪大金
衡州人咸豐
二年在永安

突圍出為官
軍擒獻俘京
師殲死

偽松王
陳德風
同治三年克
復金陵被擒

斬之

偽昭武王

蔡昌榮

同治四年五月死於階州

偽祥王

黃隆芸

同治二年八月伏誅於蕪錫

偽比王

伍貴文

同治二年十月克蘇州擒斬之

偽康王

汪安鈞

同治二年十月死於蘇州

汪海洋

襲封偽職同治四年死於嘉應州

偽甯王

周文嘉

同治二年蘇州城破死

偽赫王

同治三年竄陝西

偽馮王

同治三年竄陝西

偽葉王

同治二年竄常熟

偽湘王

同治二年竄常熟

偽普王

同治二年白無錫竄入江陰

偽董王

同治二年竄石廬

偽廣王

李愷順

同治二年同偽董王沿江竄石廬七月

偽驅王

死於長興同治二年踞華墅

偽治王

陳口書

同治二年據
華聖坤書弟

偽貴王

陳得勝

同治二年克
蘇州時生擒

偽金王

鍾

同治二年與
李秀成合

偽陽王

同治二年與
李秀成合

偽武王

汪有維

同治二年竄
維山

偽挺王

劉得功

同治二年二
月克嘉興城
死之

偽樂王

譚應芝

同治三年與
黃文金犯吳
淞

偽潮王

黃子澐

同治二年克
無錫生擒

黃德懋

子澐子同死
於無錫

偽翰王

項大英

同治三年克
句容生擒

偽歸王

鄧光明

同治三年克
杭州生擒

偽列王

方成宗

同治三年克
句容生擒

偽直王

林得英

同治三年斬
於金壇

偽佐王

黃和錦

同治三年克
常州城生擒
之

偽烈王

陳時永

玉成之叔同
治三年克丹
陽擒之

偽威王

陳榮

同治三年擒
於孝豐縣

求闕齋弟子記

卷十

四

偽借王

譚體元

同治三年
歿於湖州

偽樂王

莫

莫桂先

同治三年
歿於湖州

偽譽王

李瑞生

同治三年
生擒於崑山

偽會王

蔡元濇

岳州人
同治三年
獻海甯州乞降
更名

偽榮王

廖發壽

同治三年
克州乞降
元吉

偽裕王

劉

同治三年
死於浙江
嘉興生擒之

偽比王

錢貴仁

同治三年
歿於浙江

偽列王

劉德義

同治三年
歿於浙江

偽列王

江

同治三年斃於浙江

偽遵王

劉慶溪

同治三年九月擒於江西

偽昭王

黃文英

文金之弟同治三年生擒於江西

偽然王

同治三年應陳坤書於丹陽

偽代王

黃靖忠

同治三年軍敗於常州

偽列王

同治三年抗拒官軍於常州

偽顯王

同治二年爲東場防兵所

二〇二〇年三月

偽甘王

偽鱗王

偽列王

偽燕王

偽豫王

偽魯王

敗

朱

林

秦日綱

陳承瑒

任柱

同治二年東
防兵破之

同治三年四
月犯徽州

同治三年四
月犯徽州

縣人成豐四
年受偽封

玉成之叔成
豐四年受偽
封

一名化邦毫
州人同治六

年十月死於
顛榆

三〇

偽烈王	林彩新	同治三年 浙江
偽穰王	黃紹忠	同治三年 浙江 誠於浙江
偽烈王	徐朗	同治三年 浙江
偽沛王	譚	同治三年 江西
偽裕王	劉	同治三年 杭州
偽練王		同治三年 杭州
偽列王	邱國文	同治三年 浙江
偽列王	黃吉建	同治三年 浙江
偽享王	劉裕鳩	同治三年 浙江
偽方王		同治三年 浙江

偽早王

同治三年死於浙江

偽揚王

李名成

秀成之弟同治四年死於浙江

偽平東王

何明亮

同治四年走死廣東

偽奉王

黃十四

同治四年死於鎮平

偽陪王

譚富

同治四年死於汀州後投誠

偽利王

朱

同治四年死於汀州

偽凜王

劉肇鈞

同治四年死於詔安

偽列王

朱義得

同治四年死於詔安

偽奏王

賴世就

同治六年十一月死於膠

州

偽紀王

黃金愛

同治二年拒
官軍於無錫

偽劉王

同治三年官
軍敗之於金
壇

偽滕王

同治三年官
軍敗之於常
熟

偽利王

同治三年官
軍敗之於常
熟

偽頂王

咸豐十一年
官軍敗之於
無為

偽朱王

咸豐十一年
官軍敗之於
無為

偽王

練業坤

企天侯

鄧傳意

咸豐十年生
擒於績溪

鐙天侯

曹盛勇

同治二年克
浙江西塘鎮

符天侯

羅音

咸豐十一年
官軍生擒於
遂安

倍天侯

張在朋

同治三年死
於嘉興

瑯天侯

趙思誠

同治三年死
於浙江

玕天侯

曹得勝

同治三年死於浙江

玕天侯

賀子秀

同治三年死於浙江

珍天侯

許標桂

同治三年死於浙江

璵天侯

衡義傑

同治三年死於浙江

璵天侯

周學禮

同治三年死於浙江

孝天義

朱衣點

同治三年擒於福山

嶠天義

吳慶寶

同治四年死於嘉應州

絢天義

古文義

同治二年死於福山

闕天義

馬桂功

同治元年供容梅殺之

謝天義

黃勝才

咸豐十一年死於樂平

葛天義

賀永聚

同治三年死於浙江

嗽天義

劉明德

同治三年死於浙江

炳天義

李斗其

同治四年死於汀州

樓天義

吳明福

同治元年死於龍游

祥天義

李廣材

同治三年死於浙江

袁天義

袁戴春

同治四年死於嘉應州

馥天義

朱大寶

同治四年死於汀州

慕天義

賈慕仁

同治三年克嘉興生擒

虔天義

陳安成

同治元年克廬州生擒

眉天義

曹玉科

同治四年投誠於嘉應州

鈞天義

楊世如

同治四年
誠於嘉應州

垂天義

朱孔堂

咸豐十一年
死於徽州

統天義

陳聚成

同治元年
廬州生擒克

禧天義

梁顯新

同治元年
廬州生擒克

延天義

李元徠

同治元年
台州生擒克

憑天義

潘和周

同治三年
於浙江死

洗天安

陶雲從

同治二年
之平湖斬

礪天安

沈本立

同治二年
軍克平湖斬

傅天安

李仕福

咸豐十一年
死於徽州

合天安	汪成玉	同治元年九
什天安	吳建瀛	同治二年投
憑天安	錢嘉仁	同治二年死
稭天安	黃有才	同治三年死
完天安	盧有成	咸豐十一年死
玉天安	江國寶	同治四年死
玉天安	申長興	同治四年死
璟天安	張先發	同治三年死
增天安	藍增	同治三年死
璣天安	甘長福	同治三年死

羅天安

施得桂

同治二年七月死於浙江

鞠天安

鄭五海

同治三年生擒於浙江

徇天安

石柱玉

同治三年生擒獲

汝天安

宋英彪

同治三年生擒於浙江

峪天安

鍾元良

同治三年生擒於浙江

奮天安

廖大順

同治四年死於嘉應州

祈天安

楊文魁

同治四年死於嘉應州

淋天福

劉玉林

同治二年投誠於常熟

逮天福

姚得時

同治二年死於常熟

翼天福

江之源

同治二年克平湖後擒斬

蓬天福

胡金鏘

同治二年克
平潮生擒斬
之

藍天福

陸伯品

同治元年克
九洲州生擒
之

瑯天福

饒祥芸

同治三年死
於浙江

耿天福

黃永茂

同治三年死
於浙江

洞天福

袁得勝

同治三年死
於浙江

琪天福

高啟厚

同治三年死
於浙江

愚天福

李六

同治三年死
於嘉興

會天福

何玉清

同治四年投誠於嘉應州

段天福

巫得勝

同治四年死於嘉應州

近天福

謝有成

同治二年死於常熟

固天福

洪方

咸豐九年擒於江浦

屈天豫

賈仁富

咸豐十一年死於徽州

成天豫

吳自成

同治三年死於金谿

立天豫

莫興

咸豐九年克江浦生擒

晁天豫

羅永福

同治三年死於浙江

珙天豫

汪道發

同治三年死於浙江

錠天豫

劉泰生

同治三年死於江陰

意天豫

鍾意興

同治四年死
於嘉應州

富天豫

張承德

同治二年死
於六安

欽天豫

洪世芳

同治四年死
於汀州

宣天燕

張發勝

同治三年死
於浙江

晒天燕

李球珈

同治三年死
於浙江

岡天燕

賴汶禾

咸豐十年生
於皖南

旺天燕

毛大義

同治三年死
於浙江

鈿天燕

李天得

同治二年死
於江陰

霍天燕

石廷玉

同治九年克
安徽石牌擒

地官又正丞相

羅蕊芬

坐韋昌輝黨
爲洪逆所誅

春官又正丞相

曾錫發

咸豐三年殲於揚州

春官副丞相

陳仕保

咸豐四年死於山東

夏官副丞相

陳仕章

秋官又副丞相

鍾廷元

咸豐四年死於揚州

冬官正丞相

羅大綱

丞相

曾天養

咸豐七年斬於武昌

丞相

曾立昌

咸豐三年爲官兵駐潯曹縣黃河沖

丞相

何震川

象州人

丞相

張子朋

丞相

陳宗勝

丞相

羅瓊樹

大綱之弟

丞相

金之亨

咸豐四年克
崇陽伏誅

丞相

黃世瑚

咸豐十年死
於休甯

丞相

吳桂先

丞相

劉得勝

丞相

汪得勝

咸豐四年死
於岳州城陵
磯

丞相

陳大爲

咸豐五年爲
湖北軍生擒

丞相

周少魁

咸豐五年在
金陵生擒

丞相

韋朝綱

咸豐八年擒於羅田

丞相

翟明海

咸豐八年死於吉安

殿前丞相

孟文慰

恩賞丞相

黃啟芳

恩賞丞相

賓福壽

恩賞丞相

侯叔錢

求國齋弟子記卷十